

Osiguranje nezgode

Dokument sa ključnim informacijama



Društvo: **Akcionarsko društvo za osiguranje "Lovćen" Podgorica**

Sjedište: Ul. Slobode 13A, 81000 Podgorica; e-mail: info@lo.co.me; Tel: 020/404-400;

Web: www.lo.co.me

Društvo za osiguranje je regulisani subjekt nad kojim nadzor vrši Agencija za nadzor osiguranja Crne Gore.

Proizvod: **Osiguranje učenika srednjih škola i studenata od posljedica nesrećnog slučaja**

Ovaj dokument sadrži ključne informacije o ovom proizvodu osiguranja, kao pomoć u razumijevanju osnovnih karakteristika i u cilju lakšeg poređenja sa drugim proizvodima osiguranja. Ovaj dokument nije promotivni materijal. Potpune informacije o ovom proizvodu možete naći u drugim dokumentima: ponudi za osiguranje, uslovima osiguranja, klauzulama, ili drugim dokumentima koje dobijete prije zaključenja osiguranja. Pažljivo pročitajte svu dokumentaciju, kako biste sa osiguranjem bili upoznati u potpunosti.

Vrsta osiguranja:

Ovim dopunskim osiguranjem od nezgode mogu se osigurati učenici srednjih škola i studenti od posljedica nesrećnog slučaja. Obim osiguravajućeg pokrivača se određuje u skladu sa potrebama osiguranika i uslovima osiguranja. Osigurani rizici su navedeni u polisi osiguranja



Pokriće osiguranja

Može se ugovoriti osiguranje od sljedećih opasnosti koje proističu iz nezgode:

- ✓ Smrt kao posljedica nesrećnog slučaja;
- ✓ Trajni gubitak opšte radne sposobnosti (trajni invaliditet);
- ✓ Porlazna nesposobnost za redovan rad (dnevna naknada);
- ✓ Smještaj i liječenje u bolnici (bolnički dan);
- ✓ Troškovi liječenja.



Šta nije pokriveno osiguranjem?

- ✗ Štete nastale usljed medicinskih zahvata koji se obavljaju zbog liječenja ili sprječavanja bolesti;
- ✗ Štete nastale usljed delirium tremensa i djelovanja opojnih sredstava i drugih psihoaktivnih materija ili psihoaktivnih lijekova;
- ✗ Štete nastale zbog djelovanja alkohola, opijata ili narkotika odnosno drugih psihoaktivnih materija ili psihoaktivnih lijekova na osiguranika u trenutku nesrećnog slučaja;
- ✗ Štete nastale usljed zemljotresa, prirodnih katastrofa, zagađenja životne sredine ili radioaktivnog zračenja;
- ✗ Štete nastale pri upravljanju letilicama i letećim napravama svih vrsta, plovnim objektima, motornim i drugim vozilima bez odgovarajuće važeće dozvole za upravljanje.



Ograničenja pokrivača

- ! Osiguravajuće pokriće je ograničeno ugovorenim osiguranim sumama;
- ! Ograničenje obima obaveze osiguravača postoji u slučajevima kada nesrećni slučaj nastane:
 - pri upravljanju i vožnji letilicama i letećim napravama;
 - trkama i treninzima motornim vozilima;
 - pri sportskom učestvovanju na individualnim i organizovanim treninzima i takmičenjima;
 - ako se nesrećni slučaj dogodi kao saputniku u vozilu gdje je vozač pod uticajem alkohola.Ograničenje je detaljno pojašnjeno uslovima osiguranja.



Gdje sam pokriven/a?

- ✓ Osiguranje važi na teritoriji cijelog svijeta, osim ako nije drugačije ugovoreno u polisi osiguranja.



Koje su moje obaveze?

- Prilikom zaključenja osiguranja osiguravaču prijaviti sve okolnosti koje su važne za osiguranje i procjenu opasnosti;
- Plaćanje premije u dinami i iznosima naznačenim na polisi osiguranja;
- Neposredno po nastanku osiguranog slučaja potrebno je odmah potražiti sve potrebne medicinske tretmane i pratiti propisane metode liječenja prema medicinskim uputstvima i savjetima. Nesreća se mora pismeno prijaviti osiguravaču, a prijava treba da pruži osiguravaču sve potrebne informacije i detalje potrebne za rješavanje zahtjeva (utvrđivanje uzroka, obima i iznosa štete).



Kada i kako platiti osiguranje?

Premija se plaća unaprijed u cjelosti. Premija se može platiti gotovinom, kreditnom karticom ili preko tekućeg žiro-računa, odnosno prema tome kako je ugovoreno.



Datum početka i završetka pokriva

Ugovor se zaključuje na određeno vrijeme, kao kratkoročno osiguranje najviše na jednu godinu. Obaveza osiguravača počinje u 24 časa onog dana koji je naveden u polisi kao početak osiguranja, ali ne prije 24. časa dana kada je plaćena premija. Obaveza osiguravača prestaje u 24 časa dana koji je naveden u polisi osiguranja kao istek osiguranja. U svakom slučaju osiguranje prestaje završetkom školske godine u kojoj osiguranik završava osnovno obrazovanje.



Raskid ugovora

Ako trajanje osiguranja nije određeno u ugovoru, svaka strana može otkazati ugovor sa danom dospelosti premije, s tim da o tome mora pisanim putem obavijestiti drugu stranu najmanje 3 mjeseca prije dospelosti premije. U slučajevima ugovora o osiguranju zaključenim na daljinu (internet kupovina), ugovarač može, samo u slučaju kada je riječ o ugovoru zaključenom na daljinu na više od 30 dana, ne navodeći razloge za to raskinuti ugovor u roku od 14 dana od zaključenja ugovora. Ugovor se raskida obavještanjem osiguravača u pisanom obliku prije isteka roka za raskid ugovora.

Kako se mogu žaliti?

Žalbu u vezi sa ugovorom o osiguranju, ugovarač osiguranja/osiguranik može podnijeti u pisanom obliku komisiji za žalbe osiguravača. Žalba se podnosi kod one organizacione jedinice osiguravača koja je razmatrala odštetni zahtjev odnosno kod koje je nastalo navodno kršenje.